

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Aasiaat fabrikkiat pillugu Naalakkersuisut aaliangersimasumik arlaatigut siunnersuusiorpat aaqqiissutaasussamik siunnersuummut atugassamik aalisakkanik tunitsiviup ammaannarsinnaanissaa qulakkeerniarlugu?**
- 2. Naalakkersuisut pilersaaruteqarpat susassaqtut piginnittut innuttaasullu peqatigalugit Aasianni suliap ingerlatseqqinnissaanut fabrikkip ammaannarnissaanut aaqqiissutissamik periarfissarsiornermut, fabrikkip ammaannarnissaa taakku siunissaannut pingaaruteqaqimmat?**
- 3. Ataatsimiititaliat susassaqtut suliniaqatigiiffiit kattuffiillu aammalu susassaqtut attuumassuseqtut peqataatillugit suliamik malinnaatitsillunilu ingerlatsisoqarniarpa suliap ingerlaqqinnerani?**
- 4. Naalakkersuisut allanik ilassutissaqarpat pineqartumut taamatullu Naalakkersuisut suliap ingerlaqqinnissaanut tunngassuteqartumik ilanngussassaqarpat?**

(Inatsisartunut ilaasortaq Jens NapātôK', Naleraq)

Tunngavilersuutit:

Aasianni fabrik annertoorujussuarmik oqallisaanikuuvoq aalisarnermut inatsisissap suliarineqarneranut atatillugu taamatullu Inatsisartunut qineqqusaarnermi qaqilerneqartaarluni tupinnanngitsumik. Qaqilerinerit assigiinngitsut qiviaraanni ammaannarnissaanut Naalakkersuinikkut periarfissarsiortoqarnissaa qaqilerneqarpoq ammaannarnissaa qulakkeerniarlugu iliuuseqartoqarnissaa neriorsuutigisaarneqarluni. Tassani siunissamut ammaannarnissaanut piginnittut susassaqtut neriorsorneqarput qanoq iliuuseqartoqassasoq fabrikkip Aasiannut pingaaruteqaqisup ammaannarnissaanut qulakkeerinnittumik aaqqiissutissamik periarfissarsiortoqarnissaa eqqarsaatigalugu aarleqqutigineqarmat saqqummiunneqartaartutuut raajanut fabrikkitut matoratarsinnaanera aarleqqutigineqarmat amerlasuutigut tupinnanngitsumik qaqilertaarneqarluni.



Toqqissisimanngissutaavoq sulii aqqiissutaasussamik saqqummiussisoqanngimmat fabrikkip ammaannarnissaa pillugu iliuusissamik pilersaarusiornissamut., tamannalu Qeqertalik kommunianiittunut innuttaasorpasuarut toqqissisimanngissutaasoq pillugu neriuutiginaqaaq ersarilluinnartumik akissuteqarfigineqassalluta innuttaasut saaffiginnittaartorpasuit eqqarsaatigalugit siunissamut qulakkeerinnittumik farbikkip ingerlaannarnissaa pillugu.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasooq aallaavigineqassaaq.